

Cynorthwydd Cyfathrebu a Marchnata (Cymraeg yn hanfodol)

Gwybodaeth Allweddol

Adrodd i:	Rheolwr Cyfathrebu
Math o Contract:	Llawr amser, parhaol (Ystyrir rhannu swydd)
Cyflwg:	£21,997 - £24,379, codiad cyflog yn yr arfaeth, pro rata
Lleoliad:	Cyfuniad o swyddfa (Caerdydd) a gweithio gartref
Dyddiad Cau:	Dydd Llun 11 Hydref 2021

Trosolwg o'r Rôl

Rydym yn chwilio am unigolyn brwdfrydig i ymgymryd â rôl gyfathrebu a marchnata cyffrous a heriol yn y sector addysg bellach a dysgu seiliedig ar waith.

Gan weithio'n agos gyda chydweithwyr Polisi a Materion Cyhoeddus ac adrodd i'r Rheolwr Cyfathrebu, bydd yr ymgeisydd llwyddiannus yn gyfrifol am gynnal a datblygu llwyfannau marchnata digidol i raddau helaeth i hyrwyddo buddion addysg a hyfforddiant ôl-orfodol, ac i gyfleu negeseuon allweddol y sefydliad yn glir i'n rhanddeiliaid mewnol ac allanol.

Bydd yr ymgeisydd llwyddiannus yn cefnogi cydweithwyr Colegau Cymru i ddatblygu ein hunaniaeth brand ac ehangu ymwybyddiaeth o bwrpas, gweithgareddau a blaenoriaethau Colegau Cymru.

Ar hyn o bryd mae hwn yn gyfle gweithio gartref yn bennaf ond bydd angen i'r ymgeisydd llwyddiannus weithio'n rheolaidd o swyddfeydd Colegau Cymru yng Nghaerdydd, felly mae'r gallu i gymudo yma yn hanfodol ar gyfer y dyfodol. Efallai y bydd angen parodrwydd i deithio ledled Cymru, yn y DU ac yn rhyngwladol weithiau, a gweithio y tu allan i oriau gwaith arferol.

Prif Ddyletswyddau

- Cynorthwyo i ddatblygu a darparu mentrau cyfathrebu dwyieithog effeithiol ar draws llwyfannau ar-lein yn bennaf (gan gynnwys gwefan, cyfryngau cymdeithasol, e-bost) i hysbysu rhanddeiliaid mewnol ac allanol.
- Gweithio gyda chydweithwyr Colegau Cymru a phartneriaid allanol i greu a hwyluso cyfathrebu effeithiol, ac i fonitro llwyddiant yn unol â hynny.

- Sicrhau fod holl lwyfannau digidol ColegauCymru yn cael eu diweddarau, eu cynnal a'u datblygu'n rheolaidd, gan adolygu a gwella profiad y defnyddiwr yn barhaus.
- Cefnogi cydweithwyr i wneud defnydd effeithiol o frand ColegauCymru a chanllawiau cysylltiedig trwy gynhyrchu deunyddiau digidol o ansawdd uchel.
- Cynnal ac adeiladu presenoldeb ac enw da digidol ColegauCymru, gan gynnwys rheoli llyfrgell o gynnwys y gellir ei aildefnyddio.
- Gan ddefnyddio offer gwerthuso, adrodd ar berfformiad ac ymgysylltiad amrywiol lwyfannau digidol ColegauCymru.
- Cynhyrchu a chynnal cyfathrebiadau mewnol ac allanol dwyieithog ColegauCymru, gan gynnwys gwefannau, cyfryngau cymdeithasol, deunyddiau marchnata, cyhoeddiadau, cylchlythyrau, gwahoddiadau, hysbysebion ac adroddiadau blynyddol.
- Drafftio copi ysgrifenedig deniadol, wedi'i deilwra ar gyfer gwahanol gynulleidfaoedd ac ar draws sawl sanel, gan gynnwys ysgrifennu blogiau, datganiadau i'r wasg, ac ymatebion i ymholiadau gan y cyfryngau.
- Dod o hyd i gynnwys, gosod straeon, defnyddio menter i ysgogi diddordeb a chreu cyfleoedd cyfryngau newydd.
- Monitro sylwadau cyfryngau ar-lein a thraddodiadol.
- Cynorthwyo gyda chynhyrchu a marchnata digwyddiadau ColegauCymru, gweminarau, podlediadau a mentrau eraill yn ôl yr angen.
- Awgrymu dulliau arloesol o gyfathrebu ac ar gyfer digwyddiadau sy'n herio arferion a ffyrdd traddodiadol o wneud pethau.
- Unrhyw dasgau cysylltiedig eraill yn unol â chyfarwyddyd y Rheolwr Cyfathrebu.

Gofynion Iaith Gymraeg

Mae ColegauCymru yn sefydliad dwyieithog balch ac mae sgiliau Cymraeg yn cael eu hystyried yn gaffaeliad i'r sefydliad. Rydym yn cydnabod pwysigrwydd datblygu a thyfu gweithlu dwyieithog ac yn annog a chefnogi staff i ddysgu, datblygu a defnyddio eu sgiliau iaith Cymraeg yn y gweithle.

Mae sgiliau Cymraeg yn hanfodol i'r rôl hon. Mae hyn yn cynnwys:

- **Darllen:** Dealltwriaeth lawn o ddeunydd sy'n gysylltiedig â gwaith
- **Siarad:** Rhuglder
- **Deall:** Dealltwriaeth o'r holl sgysiau sy'n gysylltiedig â gwaith
- **Ysgrifennu:** Y gallu i baratoi deunydd ysgrifenedig ar gyfer yr holl faterion sy'n gysylltiedig â gwaith

Mae croeso i ymgeiswyr gysylltu â ColegauCymru i drafod y gofyniad hwn.

Manyleb Person

Meini Prawf Hanfodol
Cymhwyster mewn maes pwnc perthnasol a/neu brofiad proffesiynol perthnasol.
TGAU iaith gyntaf Cymraeg Gradd C neu'n uwch a/neu Lefel A ail iaith Cymraeg neu brofiad gwaith cyfatebol.
TGAU Saesneg a Mathemateg Gradd C neu'n uwch.
Dealltwriaeth o ymgyrchoedd cyfathrebu digidol integredig.
Sgiliau ysgrifennu a golygu rhagorol gyda phwyslais ar ddatblygu copi hygyrch, yn ddelfrydol ar gyfer sianeli digidol.
Profiad o ddatblygu a darparu cyfathrebu digidol creadigol a gweithgareddau cyfryngau cymdeithasol.
Profiad o olygu gwefan.
Y gallu i weithio dan bwysau, i derfynau amser tynn a blaenoriaethu llwyth gwaith.
Y gallu i gwblhau tasgau yn unol â chyllidebau y cytunwyd arnynt, o fewn amserlenni a safonau a osodwyd.
Dangos dealltwriaeth gadarn o dechnoleg sy'n berthnasol i'r Gwaith, a nodi a dewis y dechnoleg fwyaf priodol ar gyfer tasgau penodedig.
Y gallu i ddelio â rhanddeiliaid mewnol ac allanol.
Ymagwedd gadarnhaol ac ymarferol at ddatrys problemau.
Meini Prawf Dymunol
Gwybodaeth am Google Analytics a/neu offer eraill i fonitro traffig gwefannau a chyfryngau cymdeithasol, cynhyrchu adroddiadau a gwella perfformiad ar-lein.

Y Broses Ymgeisio

Anfonwch CV sy'n dangos sut rydych chi'n cwrdd â'r Fanyleb Person, ynghyd â llythyr eglurhaol byr sy'n mynd i'r afael â'r cwestiynau isod. Ni ddylai'r ateb i bob un cwestiwn fod yn fwy na 200 gair.

1. Yn eich barn chi, pa sgiliau sydd eu hangen ar gynorthwydd marchnata digidol?
2. Pa dechnegau ydych chi'n eu defnyddio i gasglu gwybodaeth farchnata o'r cyfryngau digidol?

3. Pa brosiect marchnata neu gyfathrebu ydych chi fwyaf balch ohono a pham?
4. O'r hyn rydych chi wedi gallu dod o hyd iddo, pa welliannau cyfathrebu digidol fydddech chi'n eu hargymell i ColegauCymru?

Cydraddoldeb ac Amrywiaeth

Gofynnwn ichi lenwi ein Ffurflen Cydraddoldeb ac Amrywiaeth pan fyddwch yn gwneud cais. Mae hyn yn wirfoddol, ac yn anhysbys, ond mae'n ein helpu i sicrhau ein bod yn gynhwysol yn ein recriwtio.

Dyddiad Cau

Y dyddiad cau ar gyfer y swydd hon yw **Dydd Llun 11 Hydref 2021 am 12.00pm.**

Cyfweliadau

Cynhelir cyfweliadau wythnos yn dechrau 18 Hydref 2021, wyneb i wyneb os yn bosibl, ond fel arall trwy MS Teams.

Gwiriad Datgelu DBS

Sylwch y gall yr ymgeisydd llwyddiannus fod yn destun gwiriad Gwasanaeth Datgelu a Gwahardd (DBS).